

# Treoirnótaí ar d'Fhoirm Iarratais ar Chead Foghlaimeora a Chomhlánú

Iarrtar ort na nótaí a léamh go cúramach SULA gcomhlánóidh tú an Fhoirm Iarratais

## DÉAN IARRATAS AR LÍNE

Is féidir leat iarratas a dhéanamh ar do cheadúnas tiomána agus é a athnuachan go tapa agus go héasca anois ar líne ag [www.ndls.ie](http://www.ndls.ie)

Ní bheidh uait ach do Chárta Seirbhísí Poiblí agus do MyGovID fíoraithe chun rochtain shlán shábháilte a fháil ar iarratas ar líne.

- An bhfuil MyGovID fíoraithe agat cheana? Déan iarratas nó athnuachan ar do cheadúnas anois ag [www.ndls.ie](http://www.ndls.ie)
- An bhfuil Cárta Seirbhísí Poiblí agat cheana? Tá tú beagnach réidh. Níl ag teastáil uait ach MyGovID fíoraithe, ar féidir leat é a shocrú anois ag [www.mygovid.ie](http://www.mygovid.ie)

Nach bhfuil Cárta Seirbhísí Poiblí agat go fóill? Beidh Cárta Seirbhísí Poiblí uait chun MyGovID fíoraithe a fháil. Is féidir leat iarratas a dhéanamh ar do Chárta Seirbhísí Poiblí anois ag [www.mywelfare.ie](http://www.mywelfare.ie)

**Is é NDLS AR LÍNE an bealach is tapa le hiarratas a dhéanamh ar do chead foghlaimeora nó é a athnuachan**

### Iarratas a dhéanamh in Ionad NDLS

- Ní mór do gach custaiméir a dhéanfaidh iarratas in ionad de chuid na Seirbhíse Náisiúnta um Cheadúnais Tiomána a bheith i láthair iad féin chun go ndéanfaí a ngrianghraf agus a síniú a ghabháil agus a n-aitheantas a fhíorú.
- Ní mór do gach custaiméir coinne a chur in áirithe ar líne ag [www.ndls.ie](http://www.ndls.ie) chun freastal ar ionad NDLS
- Ní mór do gach duine a bhfuil ceadúnas/cead Éireannach acu cheana teacht i láthair leis an gceadúnas tiomána/an chead foghlaimeora is deireanaí atá acu agus le fianaise ar a n-uimhir PSP.
- Beidh ar gach custaiméir cáipéisí a chur ar fáil chun a n-aitheantas a fhíorú. Ní mór do chustaiméirí na ceithre riachtanas seo a leanas a chomhlíonadh:

1. Aitheantas fótagrafach, 2. Fianaise ar sheoladh, 3. Fianaise ar uimhir PSP, agus
4. Fianaise ar ghnátháit chónaithe.

Tabhair faoi deara go gcomhlíonfaidh an Cárta Seirbhísí Poiblí na ceithre riachtanas i go leor cásanna.

### An Próiseas Iarratais

#### IARRATAS AR LÍNE



Cárta Seirbhísí Poiblí



MyGov id



Clliceáil ar do bhrabhsálaí idirlín

[www.NDLS.ie](http://www.NDLS.ie)

Chun iarratas a dhéanamh ar líne

#### IARRATAS IN IONAD NDLS



Ní mór coinne a chur in áirithe roimh ré ag [www.NDLS.ie](http://www.NDLS.ie)



- Foirm iarratais
- Aitheantas fótagrafach
- Fianaise ar UPSP
- Fianaise ar sheoladh
- Fianaise ar áit chónaithe



## Cuid 1: Sonraí Pearsanta

### Céadainm agus Sloinne

Ní mór go réiteodh do chéadainm agus do shloinne go beacht leis an aitheantas fótagrafach (Féach ar Liosta 1 ar leathanach 4) a chuirtear ar fáil.

Má tháinig athrú ar do shloinne ón uair dheireanach ar eisíodh cead foghlaimeora nó ceadúnas tiomána chugat, ní mór duit an chúis leis sin a shonrú agus cáipéisí tacaíochta a chur ar fáil (e.g. teastas pósta, deimhniú ar cholscaradh/scaradh, gníomhas aonpháirtí cláraithe leis an Ard-Chúirt). Teastaíonn na buncháipéisí.

### Seoladh/Gnátháit Chónaithe

Ba cheart an áit ina mbíonn gnáthchónaí ort a shonrú mar sheoladh; i gcás mic léinn, is gnách gurb é an teach teaghlaigh a bhíonn i gceist. Ní mór go réiteodh an t-ainm agus an seoladh ar an bhfoirm iarratais go beacht leis an bhfianaise ar sheoladh a chuirtear ar fáil agus ní mór go mbeadh an fhianaise sin dátaithe laistigh de na sé mhí seo caite (Féach ar Liosta 2 ar leathanach 4). Ní ghlactar le seoltaí cóiríocht mic léinn, seoltaí gnó ná seoltaí 'faoi chúram'. Maidir le cód postcheantair Bhaile Átha Cliath, iarrtar ort iad sin a chur sa réimse "Contae/Cathair".

Chun iarratas a dhéanamh ar cheadúnas tiomána nó ar chead foghlaimeora, ní mór go mbeifeá i dteideal cónaithe anseo agus ní mór gnáthchónaí a bheith ort in Éirinn. Ciallaíonn sé sin go mbíonn tú i do chónaí anseo le haghaidh 185 lá ar a laghad i ngach bliain féilire mar gheall ar cheangail oibre nó phearsanta. Má bhíonn tú i mbun staidéir nó oibre thar lear, d'fhéadfadh sé go measfaí fós go bhfuil gnáthchónaí ort in Éirinn ar an gcoinníoll go bhfilléann tú uirthi go rialta.

Féach ar Liosta 4 ar leathanach 4 don liosta iomlán cáipéisí ar féidir glacadh leo mar fhianaise ar ghnátháit chónaithe.

### Uimhir PSP

Ní mór **Uimhir Phearsanta Seirbhíse Poiblí** a thabhairt agus fianaise a chur ar fáil (Féach ar Liosta 3 ar leathanach 4). Mura bhfuil uimhir PSP agat, iarrtar ort teagmháil a dhéanamh leis an Roinn Gnóthaí Fostaíochta agus Coimirce Sóisialaí ar 1890 927 999 nó cuairt a thabhairt ar [www.mywelfare.ie](http://www.mywelfare.ie)

I gcás go bhfuil iarratas curtha faoi bhráid na Seirbhíse Náisiúnta um Cheadúnais Tiomána (NDLS) ag an gcustaiméir agus gur eisíodh cead foghlaimeora chuige nó chuici ón 29 Deireadh Fómhair 2013 ar aghaidh, ní gá fianaise ar uimhir PSP a thabhairt arís ach amháin má tá sí athraithe, ansin ní mór fianaise a chur ar fáil.

### Áit Bhreithe

Iarrtar ort an tír inar rugadh tú a shonrú.

## Cuid 2: Deonú Orgán

Más mian leat bheith i do dheontóir orgán, priontálfar Cód 115 ar do chead. Leis an gCód sin, cuirfear gairmithe leighis ar an eolas faoi do rún. I gcomhréir leis an seasamh dlí reatha, áfach, rachfar i gcomhairle le do neasghaol i gcás go mbeadh aon chinneadh le glacadh.

## Cuid 3: Sonraí an Cheada Foghlaimeora

Eisítear cead foghlaimeora chun críocha an tiomáint a fhoghlaim. Má tá iarratas á dhéanamh agat ar chead foghlaimeora céaduaire i gcatagóir nua ceadúnais, ní mór duit pas a bhaint amach i dtástáil teorice tiománaí sa chatagóir ábhartha sula bhfaighidh tú cead foghlaimeora. Má tá do chead foghlaimeora reatha imithe in éag le cúig bliana nó níos mó, meastar gur iarratasóir céaduaire tú ar chead foghlaimeora, agus ní mór duit tabhairt faoin tástáil teorice arís. Le haghaidh níos mó sonraí, téigh go [www.theorytest.ie](http://www.theorytest.ie)

### Cineál an Iarratais

Roghnaigh cineál an iarratais de réir mar is cuí. Féach ar an Seicliosta don chead foghlaimeora ar leathanach 4 den fhoirm iarratais maidir leis na cáipéisí nach mór bheith in éineacht le gach iarratas.

### Catagóirí Ceadúnais

Tabhair cuairt ar [www.ndls.ie](http://www.ndls.ie) le haghaidh liosta de chatagóirí agus cur síos orthu.

### Cead Cailte/Goidead/Damáistithe

Má cailleadh/goideadh do chead foghlaimeora reatha nó is déanaí a eisíodh, nó dá ndearnadh damáiste dó, ní mór duit an dearbhú garda a chomhlánú agus stampa a fháil air ag stáisiún áitiúil na nGardaí.

Líon an Cheada	Tréimhse an Cheada	Fianaise ar Thástáil Tiomána Ag Teastáil
Céad nó Dara Cead Foghlaimeora	2 bhliain	Níl
Tríú Cead Foghlaimeora nó ina dhiaidh sin	2 bhliain	Taispeáin fianaise le léiriú gur thug tú faoi thástáil tiomána agus gur theip ort sa 2 bhliain roimhe sin
Tríú Cead Foghlaimeora nó ina dhiaidh sin	1 bhliain	Taispeáin fianaise go ndearna tú iarratas ar thástáil nó go bhfuil dáta na tástála socraithe

Ní mór duit fanacht go dtí go mbeidh do chead foghlaimeora laistigh de thrí mhí ón dáta éaga sular féidir leat iarratas a dhéanamh ar athnuachan.

## Cuid 4: Folláine an Tiománaí

### Beidh Foirm Tuairisce ar Radharc na Súl ag teastáil sna cásanna seo a leanas:

- Do gach iarratas céaduaire ar chéad foghlaimeora
- Má chaiteá speaclaí/lionsaí don tiomáint roimhe seo ach ní gá é a dhéanamh níos mó.

### Ní gá Foirm Tuairisce ar Radharc na Súl a chur ar fáil sna cásanna seo a leanas:

- Cuirtear tuairisc liachta ar fáil, ach amháin má shonraíonn do dhochtúir a mhalairt.

Is féidir foirm tuairisce liachta agus foirm tuairisce ar radharc na súl a íoslódáil ó [www.ndls.ie](http://www.ndls.ie)

## Cuid 4: Folláine an Tiománaí ar lean

Ní mór go gcomhlíonfadh tiománaithe caighdeán áirithe dea-shláinte chun tiomáint go sábháilte. Má mholann do dhochtúir duit éirí as an tiomáint, is cion é leanúint ar aghaidh ag tiomáint ansin agus bíonn éifeacht aige ar do chumhdach árachais freisin.

### Ní mór Foirm Tuairisce Liachta a chur isteach sna cásanna seo a leanas:

- Má fhreagraíonn tú 'tá' ar cheann ar bith de cheisteanna 17 go 37 nó ar 38(c) ar shláinte agus ar fholláine
- Má tá tú ag déanamh iarratais ar cheann ar bith de na catagóirí i nGrúpa 2 (bus agus truicail) ach amháin má tá ceann curtha isteach cheana féin a chlúdaíonn tréimhse iomlán an cheada nó an cheadúnais agus a chlúdaíonn na catagóirí i nGrúpa 2
- Má tá tú níos sine ná 70 bliain d'aois (nó má rachaidh do chead reatha in éag an lá roimh do 70ú lá breithe)

**I rith phaindeim Covid-19, maidir leo siúd atá 70 bliain d'aois nó níos sine a dhéanfaidh iarratas ar chead foghlaimeora roimh an 31 Nollaig 2020 agus a d'fhreagair 'níl' ar cheisteanna 17 go 37 agus 38(c), ní gá dóibh tuairisc liachta óna ndochtúir a chur ar fáil.** Tar éis an 31 Nollaig 2020, meastar go n-athrófar an riail sin ar ais mar a bhí agus go mbeidh ar gach tiománaí a bheidh 70 bliain d'aois nó níos sine tuairisc liachta a chur ar fáil. Iarrtar ort dul chuig [www.ndls.ie](http://www.ndls.ie) le haghaidh na faisnéise is deireanaí ar an ábhar sin. Ní mór go mbeadh an fhoirm tuairisce liachta agus an fhoirm tuairisce ar radharc na súl dátaithe laistigh de thrí mhí ó dháta an iarratais agus is féidir iad a íoslódáil ó [www.ndls.ie](http://www.ndls.ie). Má tá ort foirm tuairisce liachta a chur isteach, ní mór go mbeadh sí comhlánaithe ag dochtúir a bhfuil a ainm nó a hainm ar Chlár Ginearálta na Liachleachtóirí Ginearálta in Éirinn. Le haghaidh níos mó faisnéise ar chaighdeán leighis, féach ar na treoirlínte um fholláine leighis don tiomáint, 'Sláinte agus Tiomáint', ar [www.ndls.ie](http://www.ndls.ie)

## Cuid 5: Dearbhú ag an Iarratasóir

Má shíníonn tú an dearbhú seo, dearbhaíonn tú go bhfuil an fhaisnéis go léir atá tugtha fíor agus cruinn. Is cion é faoin Acht um Thrácht ar Bhóithre faisnéis bhréagach a thabhairt agus gearrtar pionóis as.

## Faisnéis Ghinearálta

### Eolas tábhachtach nuair a eisítear cead foghlaimeora duit agus nuair is mian leat tástáil tiomána a dhéanamh

Má dheonaítear cead foghlaimeora duit d'fheithiclí i gcatagóirí ceadúnais B, A, A2, A1, AM agus W, agus mura raibh cead foghlaimeora agat sna cúig bliana roimhe sin, ní mór duit fanacht ar feadh sé mhí ar a laghad sula mbeidh tú in ann tabhairt faoi thástáil tiomána.

Ní mór dóibh siúd a bhfuil cead foghlaimeora acu den chéad uair Oiliúint Riachtanach Tiománaithe (EDT) nó Bunoiúint Tosaigh (IBT) a dhéanamh sula ndéanfaidh siad an tástáil tiomána.

## Faisnéis Ghinearálta ar lean

### Táillí agus Íocaíocht

#### Táillí Cead Foghlaimeora

Cead foghlaimeora nua agus athnuachan	€35
Cead foghlaimeora ionaid nó cóip de chead	€35
Catagóir nua a chur le cead foghlaimeora reatha	€35
Cead foghlaimeora do dhaoine níos sine ná 70 bliain	Saor in aisce
Cead foghlaimeora aon bhliain (cúiseanna leighis)	Saor in aisce

Ní féidir le NDLS glacadh ach leis na modhanna íocaíochta seo a leanas in éineacht le d'iarratas: cárta dochair/cárta creidmheasa/Google Pay/Apple Pay.

Ní ghlacfaidh NDLS ach le haon íocaíocht amháin in aghaidh aon iarratais amháin – ní ghlacfar le híocaíocht shingil as iarratais iolracha. Déanfaidh NDLS íocaíochtaí cárta dochair agus cárta creidmheasa a phróiseáil i gcomhréir le rialacha Thionscal na gCártaí Íocaíochta (TCI). Más mian leat cárta dochair nó cárta creidmheasa le tríú páirtí a úsáid i gcomhair íocaíochta, ní mór go mbeadh an tríú páirtí i láthair chun íocaíocht a dhéanamh.

### Oiliúint Riachtanach Tiománaithe (EDT)

Cúrsa éigeantach oiliúna do thiománaithe gluaisteáin atá in oiliúint riachtanach tiománaithe (EDT). Cúrsa 12 cheacht uair an chloig a dhéantar le teagascóir faofa tiomána (ADI) a dhéanfaidh taifead ar do dhul chun cinn i logleabhar a eisítear go sonrach atá in EDT. Ní mór do gach duine a bhfuil cead foghlaimeora acu den chéad uair (nó dóibh siúd nach raibh cead foghlaimeora acu le níos mó ná cúig bliana) EDT a dhéanamh sula ndéanfaidh siad an tástáil tiomána. Maidir le sealbhóirí cead foghlaimeora a bhfuil ceadúnas tiomána iomlán acu i gcatagóir B (gluaisteán) le haghaidh dhá bhliana ar a laghad ó thír nach bhfuil comhaontú um malartú ceadúnas ag Éirinn léi, d'fhéadfadh sé go mbeidís incháilithe chun iarratas a dhéanamh ar chlár EDT níos giorra. Le haghaidh faisnéis níos mionsonraithe maidir le EDT, féach ar [www.rsa.ie](http://www.rsa.ie)

### Bunoiúint Tosaigh (IBT) do Ghluaisrothaithe

Cúrsa oiliúna éigeantach atá i mBunoiúint Tosaigh (IBT) a mhúineann bunscileanna rothaíochta do ghluaisrothaithe i mbun foghlama. Beidh ort cúrsa oiliúna IBT don ghluaisrothar a dhéanamh sula mbeidh cead agat do rothar a thógáil ar an mbóthar gan mhaoirseacht. Ní féidir leat an cúrsa IBT a dhéanamh ach le hoiliúnóir faofa. Ní mór do gach sealbhóir chead foghlaimeora chatagóir A IBT a chur i gcrích sula dtiomáinfidh siad ar an mbóthar, ach amháin iad siúd ar eisíodh cead foghlaimeora chatagóir A chucu roimh Shamhain 1999 agus a bhfuil an teidlíocht sin acu fós. Le haghaidh faisnéis níos mionsonraithe maidir le IBT, iarrtar ort féachaint ar [www.rsa.ie](http://www.rsa.ie)

### Deimhniú Inniúlachta Gairmiúla (CPC) – truicail agus busanna

Braitheann an íosaos chun cead foghlaimeora a fháil i gcatagóirí C, CE, D agus DE ar cibé acu a dhéanann tú an tástáil CPC don chatagóir sin ceadúnais. Is féidir tábla de chatagóirí lena n-áirítear cur síos, íosaos agus coinníollacha eile a fháil ar [www.ndls.ie](http://www.ndls.ie). Má tá tú ag tabhairt faoi CPC, beidh ort tástáil teoirice CPC a dhéanamh agus nuair a bheidh do thástáil tiomána á déanamh agat, beidh céim speisialta CPC ag gabháil leis an tástáil. Le haghaidh faisnéise níos mionsonraithe maidir le CPC, téigh go [www.rsa.ie](http://www.rsa.ie)

## Fianaise Dhoiciméadach

Ag brath ar do chuid cúinsí féin, d'fhéadfadh sé go mbeadh gá le fianaise bhreise dhoiciméadach a chur i láthair le d'fhoirm iarratais.



I bhformhór na gcásanna, is leor Cárta Seirbhísí Poiblí (CSP) chun na cáipéisí aitheantais phearsanta a bhíonn ag teastáil a chlúdach.

Mura bhfuil CSP agat, ní mór duit fianaise dhoiciméadach a chur i láthair chun gach riachtanas ó Liosta 1 - 4 thíos a chomhlíonadh.

### Liosta 1: Aitheantas fótagrafach

- Cárta Seirbhísí Poiblí
- Pas/cárta pas Éireannach (ceann reatha nó ceann nach bhfuil i míthe in éag le níos mó ná 12 mhí)
- Do cheadúnas tiomána nó do chead foghlaimeora Éireannach is deireanaí
- Pas reatha le haghaidh gach saoránach neamh-Éireannach (bailí lena úsáid go hidirnáisiúnta)
- Cárta aitheantais náisiúnta reatha do shaoránaigh an AE/an LEE/na hEilvéise
- Teastas Éireannach Eadóirseachta
- Ceadúnas fótagrafach reatha tiomána ón Ríocht Aontaithe
- Cáipéis reatha Éireannach taistil

### Liosta 2: Fianaise ar sheoladh (dátaithe laistigh de shé mhí)

- Cárta Seirbhísí Poiblí
- Bille fónais - Ní ghlactar le billí fón póca
- Ráiteas nó comhfhreagras eile ó bhanc/cumann foirgníochta/comhar creidmheasa, lena n-áirítear ráitis leictreonacha
- Litir ó Roinn Rialtais nó ó Ghníomhaireacht Stáit
- Comhfhreagras ar pháipéar sainchloíte ó chomhlacht oideachais nó oiliúna e.g. meánscoil; ollscoil; institiúid teicneolaíochta nó coláiste
- Comhfhreagras ó chomhlacht árachais maidir le polasaí gníomhach árachas sláinte/saoil/tí/cair

### Liosta 3: Fianaise ar uimhir PSP

- Cárta Seirbhísí Poiblí/Cárta Seirbhísí Sóisialta
- Comhfhreagras ó na Coimisinéirí Ioncaim/ón Roinn Gnóthaí Fostaíochta agus Coimirce Sóisialaí agus uimhir ar taispeáint PSP air
- P21/Measúnú Cánach/Fógra faoi Chreidmheasanna Cánach
- Admháil um íocaíocht leasa shóisialaigh agus uimhir iomlán PSP uirthi
- Cárta liachta / cárta don Scéim Íocaíochta Drugaí (DPS) / cárta Eorpach um Árachas Sláinte
- Duilín pá nó P60/P45

### Liosta 4: Fianaise ar ghnátháit chónaithe

- Cárta Seirbhísí Poiblí - i gcás go bhfuil an áit bhreithe nó náisiúntachta laistigh den AE/LEE/Eilvéis
- Teastas breithe (foirm fhada) nó teastas uchtála Éireannach/na Ríochta Aontaithe
- Ceadúnas tiomána/cead foghlaimeora ar a dtaispeántar i réimse 3 go bhfuil an áit bhreithe laistigh den AE/LEE/Eilvéis
- Deimhniú ar thaifead i gClár na mBreitheanna Coigríche
- Pas/cárta pas Éireannach (ceann reatha nó ceann nach bhfuil imithe in éag le níos mó ná 12 mhí)
- Pas reatha do gach saoránach de chuid an AE/an LEE/na hEilvéise (bailí lena húsáid go hidirnáisiúnta)
- Cárta aitheantais náisiúnta reatha do shaoránaigh an AE/an LEE/na hEilvéise
- Teastas Éireannach eadóirseachta
- Deimhniú reatha cláraithe (cárta Bhiúró Náisiúnta an Gharda Síochána um Inimirce/GNIB) nó cead cónaithe Éireannach (CCÉ) do shaoránaigh nach saoránaigh de chuid an AE/an LEE/na hEilvéise iad (Ní mór na cártaí GNIB agus CCÉ a chur i láthair in éineacht le pas atá bailí lena úsáid go hidirnáisiúnta nó in éineacht le Cárta Seirbhísí Poiblí)

Le haghaidh liosta d'ionaid agus de shuíomhanna NDLS, tabhair cuairt ar [www.ndls.ie](http://www.ndls.ie)



# MyRoadSafety.ie

D'acmhainn ar líne chun do chuid eolais tiománaí go léir a láimhseáil go héasca agus go sábháilte, idir sheirbhísí, scrúduithe, cheadanna agus cheadúnais.